

屏風
名稱

へリ、

〔倭名類聚抄十四屏障具〕屏風 西京雜記云七尺屏風屏音薄經反

〔段注說文解字八上〕屏此複舉字未刪者蔽也伸爲屏除按古無平仄之分

〔山堂肆考三十七〕屏風所以障風亦所以隔形者也古者辰之遺象又有牀屏枕屏

〔行厨集八〕屏風畫屏各從本名用幾座

〔事物紀原八〕屏風舟車帷幄

周禮掌次設皇邸鄭司農云邸後板也康成謂後板屏風禮記明堂位曰天子負斧扆而立陸法言云今屏風扆遺象也三禮圖曰屏風之名出於漢世故班固之書多言其物徐堅爲初學記亦載漢劉安羊勝等賦然則漢制屏風蓋起於周皇邸斧扆之事也

〔恒言錄俗五〕屏風

史記孟嘗君列傳屏風後常有侍史周禮掌次設皇邸鄭司農云邸後版也康成謂後版屏風與平聲司

几筵王位設黼依注依其制如屏風然風賦經案史記正義引燕丹子八尺屏風可超而越

〔漢書陳萬年傳〕萬年嘗病召咸教戒於牀下語至夜半咸睡頭觸屏風

〔南史王徽傳〕徽兄遠字景舒位光祿勳時人謂遠如屏風屈曲從俗能蔽風露言能不乖物理也

〔古文苑三〕屏風賦

羊勝

屏風輪匝蔽我君王重葩累繡沓壁連璋飾以文錦映以流黃畫以古烈顯々昂々蕃后宜之壽考無

疆

〔白氏文集三十九〕素屏謠

素屏素屏胡爲乎不文不飾不丹不青當世豈無李陽水之篆字張旭之筆迹邊鸞之花鳥張藻之松石吾不令加一點一畫於其上欲爾保真而全白吾於香爐峯下置草堂二屏倚在東西墻夜如明月